

~~T5213~~ / 0441b
T5214.4

7

11

1

UNIVERSITY OF CALIFORNIA
LIBRARY
MAY 14 1957

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

MAR 14 1932

唐詩紀事卷第十九

崔宗之

宗之襲父日用齊國之封好學寬博有風舉與李
杜以文相知

贈李白云涼秋八九月白露空園庭耿耿意不暢
梢梢風葉聲思見雄俊士共話今古情李侯忽
來儀把袂苦不早清論既抵掌玄談多絕倒分
明楚漢事歷歷王霸道擔囊無俗物訪古千里



唐詩集卷一
一
餘袖有七首劔懷中茂陵書雙眸光照人詞賦
凌子虛酌酒絃素琴霜氣正凝結平生心中事
今日爲君說我家有別業寄在嵩之陽明月出
高岑清溪澄素光雲散窗戶靜風吹松桂香子
若同斯遊千載不相忘白和云朔風橫高天萬
里起秋色壯士心飛揚落日空歎息長嘯出原
野凜然寒風生幸遭聖明時功業猶未成奈何
懷良圖鬱悒猶愁坐杖策尋英豪立談乃知我

崔公生人秀緬邈青雲姿制作參造化託諷合
神祇海岳尚可傾吐諾終不移是時霜飈寒逸
興臨華池起舞拂長劔四座皆揚眉因得窮歡
情贈我以新詩又結瀚漫期九垓遠相待舉身
憇蓬壺濯足弄滄海從此凌倒景一去無時還
朝遊明光宮暮出闔闔關但得長把袂何必嵩
丘山

宗之爲侍御史謫官金陵與白詩酒唱和月夜乘

唐詩紀事
二
舟自采石達金陵

敬括 孫晦昕眸

括字叔弓河中人爲殿中侍御史不諧附楊國忠
出知果州入爲兵侍志簡淡不求名後刺同州
隱然持重大曆中卒

省試七月流火云前庭一葉下言念忽悲秋變節
金初至分寒火正流氣含涼夜早光拂夏雲收
助月微明散汾河麗景浮禮標時令爽詩興國

風幽自此觀邪正深知王業休

房瑄

瑄宰盧氏王維贈詩云達人無不可忘已愛蒼生
豈復小千室絃歌在兩楹又云視事兼偃臥對
書不簪纓蕭條人吏疎鳥雀下空庭是時瑄之
清名已重於搢紳矣

題漢州西湖云高流纏峻隅城下緬丘墟決渠信
浩蕩潭島成江湖結宇依迴渚水中信可居三

唐詩紀事 三
伏氣不蒸四達暑自徂故人千里駕隣國五馬
車月出共登舟風生隨所如舉麾指極浦欲極
更盤紆繚繞各殊致夜盡情有餘遭亂意不開
卽理還暫祛安得長晤語使我憂更除
瑄字次律融之子也相肅宗有遠器好談老子浮
屠法高談有餘而不切事

蘇源明

天寶十二載源明守東平宴濮陽守崔季重魯郡

李蘭濟南田琦濟陽李陵于回源亭爲小洞庭
五太守讌集載其歌曰小洞庭兮寓方舟風嫋
嫋兮離平流寓方舟兮小洞庭雲微微兮連絕
崕層瀾壯兮緬以沒重崑轉兮超以忽馮夷逝
兮護輕橈蛟龍行兮落中湖泊中湖兮澹而閒
並曲漱兮悵而還適予手兮非予期將解袂兮
棄予曲尚君子兮壽厥身承明主兮憂斯人其
後以國子司業召須昌尉袁廣餞於小洞庭復

歌曰浮漲湖兮莽條遙川后禮兮扈予橈橫增
沃兮蓬僊延川后福兮易予船月澄凝兮明空
波星磊落兮耿秋河夜既良兮酒且多樂方作
兮奈別何

子美八哀詩曰武功少也孤徒步客徐充讀書東
嶽中十載考墳典時下萊蕪郭忍饑浮雲巘負
米晚爲身每食臉必泫夜字照夔薪垢衣生碧
蘚庶以勤苦志報茲劬勞願學蔚醇儒姿文包

舊史善灑落辭幽人歸來潛京輦射策君東堂
宗匠集精選制可題未乾乙科已大闡文章日
自負掾吏亦累踐晨趨閭闔內足踏宿昔研一
麾出守還

源明累遷太子諭德爲司業
東平太守故召爲國子也

黃屋朔

風卷不暇陪八駿虜庭悲所遣平生滿樽酒斷
此朋知展憂憤病二秋有恨石可轉

按祿山陷
京師源明

以病不受僞官
黃屋車蓋也

肅宗復社稷得無逆順辨

肅宗
復兩

京權考功郎
中知制誥

范曄顧其兒李斯憶黃犬秘書茂

松意再扈祠壇墀前後百卷文枕藉皆禁鬱篆
 刻楊雄流溟漲本末淺青熒芙蓉劔犀兕豈獨
 剗反為後輩藝予實苦懷緬煌煌齋房芝事絕
 萬手舉垂之俟來者正始徵勸勉不要懸黃金
 胡為投乳贖結交三十載吾與誰遊行滎陽復
 冥寞罪罟已橫罟嗚呼子逝日始泰則終蹇長
 安米萬錢凋喪盡餘喘戰伐何當解歸帆阻清
 沔尚纏漳水疾永負嵩里餞

詩中滎陽
謂鄭虔也

唐詩紀事卷第十九 終

唐詩紀事卷第二十

鄭虔

虔閨情云銀鑰開香閣金臺點夜燈
長征君自慣
獨臥妾何曾

子美詩云鷄鷓至魯門不識鐘鼓響
孔翠望青霄
愁思彫籠養滎陽冠衆儒早聞名
公賞地崇士大夫況乃氣清爽
天然生知姿學立游夏上神農
或闕漏黃石愧師長藥纂西極名
兵流指諸

掌貫穿無遺恨蒼最何技癢圭臬星經奧蟲篆

丹青廣

按新史虔集撰當世著書八十餘篇有窺其橐者上書告虔私撰國史虔蒼黃

焚之坐謫十年命其書為會粹孔子作春秋游夏不能贊虔私撰國史出其上也神農黃石藥纂兵流者古書也言虔無不貫穿復游藝星經丹青之類

子雲窺未遍方朔

諧太枉神翰顧不一體變鍾兼兩

虔好書及畫恨無紙慈恩

寺貯柿葉數屋虔取書歲久皆遍矣

文傳天下口大字猶在榜昔

獻書畫圖新詩亦俱往滄洲動玉陛寡鶴誤一

響三絕自御題四方尤所仰

虔自寫其詩并畫以獻帝大署其尾

曰鄭虔

三絕

嗜酒益疎放

虔嗜酒疎放故杜甫贈詩云賴得蘇司業時時與酒

錢蘇司業源明也

彈琴視天壤形骸實土木親近唯几

杖未曾寄官曹突兀倚書幌

虔初坐謫還京師上愛其材欲置左

右以不事事更為置廣文館以虔為博士虔聞命不知廣文曹司何在訴宰相曰上增國學置廣文館以居賢者令後世

晚就芸香閣胡塵

昏泱泱反覆歸聖朝點染無滌蕩老蒙台州掾

泛泛浙江槩

安祿山反遣張通儒劫百官置東都偽授水部郎中因稱風緩求攝

市令潛以密草達靈武賊平免死貶台州司戶參軍

履穿四明雪饑拾糶

溪椽空聞紫芝歌不見杏壇丈天長眺東南秋色餘颺颺別離慘至今斑白徒懷曩春深秦山秀葉墜清渭朗劇談王侯門野稅林下鞅操紙終夕酣時物集遐想詞場竟疎濶平昔濫吹獎百年見存沒牢落吾安放蕭條阮咸在出處同世網他日傍江樓含悽述飄蕩

虔滎陽人天寶初爲協律郎或告其私撰國史坐謫十年還京爲廣文博士自寫其詩画以獻帝

書曰鄭虔三絕祿山反劫爲水部郎中乃託風緩求攝市令而以密草達靈武賊平坐王維下遷而虔貶台州司戶叅軍後數年卒

虔著薈蕞等諸書之外又撰胡本草七卷詩中及之子美云虔與今秘書監鄭審篇翰齊價謫江陵故有阮咸江樓之句

嚴武

巴嶺答杜二見憶詩云臥向巴山落月時兩鄉千

唐詩紀事 三十一
里夢相思可但步兵偏愛酒也知光祿最能詩
江頭赤葉楓愁客籬外黃花菊對誰歧馬望君
非一度冷猿秋雁不勝悲

寄題杜拾遺錦江野亭詩云漫向江頭把釣竿懶
眠沙草愛風湍莫倚善題鸚鵡賦何須不著鷓
鷄冠腹中書籍幽時曬肘後醫方靜處看興發
會能馳駿馬終須重到使君灘

子美八哀詩云鄭公瑚璉器華嶽金天晶昔在童

子曰已聞老成名嶷然大賢後復見秀骨清

武嚴

傳武中書侍郎挺之子神氣雋爽敏於聞見幼
有成人風讀書不究精義涉獵而已大賢謂嚴

子陵開口取將相小心事友生

甫與武世契也
嘗醉登武林呼

斥其父名
而武不忤

閱書百紙盡落筆四座驚歷職匪父

任嫉邪常力爭

武弱冠以門蔭策名哥舒翰奏
充判官至德初肅宗初靖難武

挺節赴行在宰相房瑄素重之及
是首薦才略可稱累遷給事中

漢儀尚整肅

時武為
侍御史

胡騎忽縱橫

祿山之
亂也

飛傳自河隴逢人

問公卿不知萬乘出雪涕風悲鳴受詞劔閣道

謁帝蕭關城

河隴劔閣蕭關城事新舊二史皆不載

寂寞雲臺仗

飄飄沙塞旌江山少使者笳鼓凝皇情壯士血

相視忠臣氣不平密論貞觀體揮發岐陽征

時蕭

宗兵鳳翔

感激動四極聯翩收二京

二京長安東都也二史皆不載

武收復功

西郊牛酒再原廟丹青明匡汲俄寵辱衛

霍竟哀榮四登會

地

既收長安以武為京兆少尹兼御史中丞時年

二十三後又遷京兆尹兼御史大夫

三掌華陽兵

華陽成都也武以史思明阻兵

不之官優游京師頗自務大出為綿州刺史遷劔南東川節度使上皇合劔南兩川為一道拜

武成都尹克劍南節度使入復求為方面拜京

成都尹在蜀累年肆志恣行猛政威震一方

兆空柳色尚書無履聲羣鳥自朝夕白馬休橫

行諸葛蜀人愛文翁儒化成公來雪山重公去

失壁壘言無出戍此美武能鎮靜也

虛館開逢迎堂上指畫圖軍

中吹玉笙豈無成都酒憂國只細傾時觀錦水

釣問俗終相并意待犬戎滅人藏紅粟盈以茲

報主願庶或裨世程炯炯一心在沉沉二豎嬰

顏回竟短折賈誼徒忠貞飛旄出江漢孤舟轉
荆衡虛無馬融笛笛悵望龍驤坐空餘老賓客身
上媿簪纓

武年二十二爲給事黃門郎明年擁旄西蜀杜甫
乘醉言不謂嚴挺之乃有此子也武恚日久之
曰杜審言孫子擬捋虎鬚合坐皆笑以彌縫之
房太尉琯微有所忤憂怖成疾李太白作蜀道
難爲房杜危之也

武字季鷹永泰初卒母哭且曰而今而後吾知免
爲官婢矣

子美送武入廟有鼎湖瞻望遠象闕憲章新之作
武酬別云獨逢堯典日再覩漢宮時未効風霜
勁空慙雨露私夜鐘清萬戶曉漏拂千旗並向
殊亭謁俱承別館追斗城憐舊路澗水惜歸期
峰樹遠相伴江雲更對誰試迴滄海棹更和敬
亭詩祇是書應寄無忘酒共持但令心事在未

唐詩紀事 六
肯鬢毛衰最悵巴山裏清猿惱夢思

武題巴州光福寺楠木云楚江長流對楚寺楠木
幽生赤崖背臨溪插石盤老根苔色青蒼山雨
痕高枝開葉鳥不度半掩白雲朝與暮香殿蕭
條轉密陰花龕滴瀝垂清露聞道偏多越水頭
煙生霧歛使人愁月明忽憶湘川夜猿叫還思
鄂渚秋看君幽靄幾千丈寂寞窮山今遇賞亦
知鐘梵報黃昏猶卧禪牀戀奇響

集不載

史俊

題巴州光福寺楠木云近郭城南山寺深亭亭奇
樹出禪林結根幽壑不知歲聳幹摩天凡幾尋
翠色晚將嵐氣合月光時有夜猿吟經行綠葉
望成蓋宴坐黃花長滿襟此木嘗聞生豫章今
朝獨秀在巴鄉凌霜不肯讓松柏作宇猶來稱
棟梁會待良工時一顧應歸法水作慈航嚴武
作巴州賦楠木歌俊後以監察御史來臨是邦

亦賦焉

李適之

常山愍王孫天寶初代牛仙客爲左相適之未罷相也朝退每邀賓戚談諧賦詩曾云朱門長不閉親友恣相過年今將半百不樂復如何後爲林甫所譖罷乃爲詩曰避賢初罷相樂聖且銜杯爲問門前客今朝幾個來

適之入仕不歷丞簿便爲別駕不歷兩畿官便爲京兆尹不歷御史及中丞便爲大夫不歷兩省給舍便爲宰相不歷刺史便爲節度使然不得其死

祖詠

古意云楚王竟何去獨自留巫山偏使世人見迢迢江水間駐舟春澤裏誓願拜靈顏夢寐覩神女金沙鳴珮環閑艷絕世姿令人氣力微含笑默不語化作朝雲飛夫差日淫放舉國求妃嬪

自謂得王寵代間無美人碧羅蒙天閣坐輦乘
芳春宮女數千騎常游江水濱年深玉顏老時
薄花妝新拭淚下金殿嬌多不顧身生前妬歌
舞死後同灰塵塚墓令人哀哀於銅雀臺或作
二首
有司試終南山望餘雪詩詠賦云終南陰嶺秀積
雪浮雲端林表明霽色城中增暮寒四句卽納
於有司或詰之詠曰意盡

陸渾水亭云晝眺伊川曲巖間霽色明淺沙平有
路流水漫無聲浴鳥泐波聚潛鱗觸釣驚更尋

春岸上幽意滿山楹

答王維留宿詩云四年不相見相見復何爲握手
言未畢却令傷別離升堂還駐馬酌醴便呼兒
語默自相對安用旁人知

詠登開元進士第

殷璠云詠詩剪刻省淨用思尤苦氣雖不高調頗
凌俗至如霽日園林好清明煙火新亦可稱爲

唐詩紀事 九
才子也張說在并州厚遇王翰既相引爲駕部
員外郎說罷相出翰仙州別駕至郡日聚英豪
從禽擊鼓恣爲歡賞詠與杜華嘗在座翰坐是
貶道州司馬

開元中進士唱第尚書省落第者至省門散去詠
吟曰落去他三三兩兩戴帽子日暮祖侯吟一
聲長安竹栢皆枯死

留別盧象云朝來已握手宿別更傷心灞水行人
渡商山驛路深故情君且足謫宦我難任直道
皆如此誰能淚滿襟

蘭峰贈張九臯云君王旣巡狩輦路入秦京遠樹
低槍壘孤山出幔城寒疎清禁漏夜警羽林兵
誰念迷芳客長懷魏闕情

蘇氏別業云別業居幽處到來生隱心南山當戶
牖豐水映園林竹覆經冬雪庭昏未夕陰寥寥
人境外閒坐聽春禽

夕次圃田店云前路入鄭郊向經百餘里馬煩時
欲歇客歸程未已落日桑柘陰遙村煙火起西
還不遑宿中夜渡涇水

題韓少府水亭云梅福幽棲處佳期不忘還鳥啼

當戶竹花遶傍池山水氣侵堦冷藤陰覆坐間

寧知武陵趣宛在市朝間

自留別盧象以下五篇姚合以爲極玄集

清明宴劉司勳別業云田家復近臣行樂不遺親

霽日園林好清明煙火新以文常會友唯德自

成隣池照窗陰晚杯香藥味春簷前花覆地竹
外鳥窺人何似桃源裏深居作隱淪

李頎

緩歌行云小來託身攀貴遊傾財破產無所憂暮
夜經過石渠署朝將出入銅龍樓結交杜陵輕
薄子謂言可生復可死一沉一浮會有時棄我
翻然如脫屣男兒立身須自強十年閉戶潁水
陽業就功成見明主擊鐘鼎食坐華堂二八娥

唐詩紀事 十一
眉梳墮馬美酒清歌曲房下文昌宮中賜錦衣
長安陌上退朝歸五陵賓從莫敢視三省官僚
揖者稀早知今日讀書是悔作從來任俠非
聽董六彈胡笳兼寄房給事云蔡女昔造胡笳聲
一彈一十有八拍胡人落淚向邊草漢使斷腸
對歸客古戍蒼蒼烽火寒大荒陰沉飛雪白先
拂商弦後角羽四郊秋葉驚撼撼董夫子通神
明深山竊聽來妖精言遲更速皆應手將往復

旋如有情空山百鳥散還合萬里浮雲陰且明
嘶酸雛雁失羣夜斷絕胡兒戀母聲川爲靜其
波鳥亦罷其鳴烏孫部落家鄉遠邏迤沙塵哀
怨生幽音變調忽飄灑長風吹林雨墮瓦迸泉
颯颯飛木末野鹿呦呦走堂下長安城連東掖
垣鳳凰池對青瑣門高才脫略名與利日夕望
君抱琴至

漁父歌云白首何老人簑笠蔽其身避世常不仕

釣魚清江濱浦沙明濯足山月靜垂綸寓宿湍
與瀨行歌秋復春持竿湘岸竹爨火蘆洲薪綠
水飯香稻青荷包紫鱗於中還自樂所欲全吾
真而笑獨醒者臨流多苦辛

送暨道士還玉清詩云仙官有名籍度世吳江濱
大道本無我青春長與君中州俄已到至理得
而聞明主降黃屋時人看白雲空山何窈窕三
秀日氛氲遂此留書客超遙烟駕分

聖善閣送裴迪入京云雪華歛高閣苔色上鈎欄
藥草空堦靜梧桐返照寒清吟可愈疾携手暫
同歡墜葉和金磬飢鳥鳴露盤伊川惜東別灞
水向西看舊託含香署雲霄何足難

題濬公山池云遠公遁跡廬山岑開山幽居祗樹
林片石孤峰窺色相清池白月照禪心指揮如
意天花落坐臥閑房春草深此外俗塵都不染
唯餘玄度得相尋

東郊寄萬楚云濩落久無用隱身甘采薇仍聞薄
宦者還事田家衣潁水日夜流故人相見稀春
山不可望黃鳥東南飛濯足豈長往一罇聊可
依了然潭上月適我胸中機在昔同門友如今
出處非優游白虎殿出入青瑣闈且有薦君表
當看攜手歸寄書不待面蘭蒨空芳菲

此詩取於河岳

英靈

王母歌云武皇齋戒承華殿端拱須臾王母見霓

旌照曜麒麟車羽蓋淋漓孔雀扇手指交梨遣
帝食可以長生臨寓縣頭上復戴九星冠總領
玉童坐南面欲聞要言今告汝帝乃焚香請此
語若能鍊魄去三尸後當見我天皇所顧謂侍
女董雙成酒闌可奏雲和笙紅霞白日儼不動
七龍五鳳紛相迎惜哉志驕神不悅歎息馬蹄
與車轍複道歌鐘杳將暮深宮桃李花成雪爲
看青玉五枝燈蟠螭吐火光已絕

樂天放言詩序云元九在江陵有放言長句詩五
 韻韻高而體律意古而詞新雖前輩深於詩者
 未有此作唯李頎有云濟水至清河自濁周公
 大聖接輿狂斯句近之矣

王摩詰贈頎詩云聞君餌丹砂甚有好顏色不知
 從今去幾時生羽翼王母翳華芝望爾崑崙側
 文螭從赤豹萬里方一息悲哉世上人甘此羶
 腥食

商璠云頎詩發調既清修詞亦麗漁父歌咸善玄
 理最長故其論道家往往高於衆作

頎開元進士也

綦母潛

早發上東門云十五能行西入秦三十無家作路
 人時命不將明主合布衣空染洛陽塵

顧陶取為唐類

詩

春泛若耶詩云幽意無斷絕此去隨所偶晚風吹

行舟花路入溪口際夜轉西壑隔山望南斗潭
 烟飛溶溶林月低向後生事且彌漫願為持竿
 叟

題靈隱寺山頂禪院云招提此山頂下界不相聞
 塔影挂清漢鐘聲和白雲觀空淨室掩行道衆
 香焚且駐西來駕人天日未曛

若耶溪逢孔九云相逢此溪曲勝託在烟霞潭影
 竹間動崑陰簷際斜人生上皇代犬吠武陵家

借問淹留日春風滿若耶

冬夜寓居贈儲太祝云自為洛陽客夫子吾知音
 盡義能下士時人無此心奈何離居夜巢鳥悲
 空林愁坐至月上復聞南隣砧或作薛據

過禪居云山頭禪室挂僧衣窗外無人溪鳥啼黃
 昏半在下山路却聽松聲戀翠微或作浩然却聽鐘聲連翠

微又鐘作泉

題鶴林寺云道門隱形勝向背臨層霄松覆山殿

冷花藏溪路遙珊珊寶幡挂焰焰明燈燒遲日
半空谷春風連上潮少憑水木與暫遣身心調
願謝攜手客茲山禪侶饒

字孝通開元中錄宜壽尉入集賢院待制遷右拾
遺終著作郎

殷璠云拾遺詩舉體清秀蕭蕭跨俗桑門之役於
已獨能至如松覆山殿冷不可多得又如鐘聲
扣白雲歷代少有借使若人加氣質減彫飾則

高視三百年外也

王摩詰別潛詩云端笏明光宮歷稔朝雲陛詔刊
延閣書高議平津邸適意輕偶人虚心削繁禮
盛得江左風彌工建安體高張多絕弦截河有
清濟嚴冬爽羣木伊洛方清泚渭水冰下流潼
關雪中啓荷篠幾時還塵纓待君洗

韋蘇州寄淮上綦母三詩云滿城憐傲吏終日賦
新詩請報淮陰客春帆浪作期

李頎送綦母三謁房給事云夫子大名下家無鍾
石儲惜哉湖海上曾授蓬萊書外物非本意此
生空澹如所思但乘興遠適唯單車高道時坎
坷舊交願吹噓徒言青瑣闥不愛承明廬百里
人戶滿片言諍訟疎手持蓮花經目送飛鳥餘
晚景南路別炎雲中伏初此行儻不遂歸食廬
洲魚

趙謙光

賀遂涉附

唐諸郎中不自員郎拜者謂之士山頭果毅便拜
崇品有似長征兵士便授邊遠果毅謙光自彭
州司馬入爲大理正遷戶部郎中戶部員外賀
遂涉詠曰員外由來美郎中望亦優寧知粉署
裏翻作土山頭謙光答詩曰錦帳隨情設金爐
任意薰唯愁員外署不應列星文
謙光登咸亨進士第

李元操

和從叔祿愔元日早朝云銅渾變秋節玉律動年
灰曖曖城霞旦隱隱禁門開衆靈湊仙府百神
朝帝臺葉令雙鳧至梁王駟馬來戈鋌映林闕
歌管拂塵埃保章望瑞氣尚書免火災冠冕多
秀士簪裾饒上才誰憐張仲蔚日暮反蒿萊
元操開元初詩人也

薛令之

令之閩之長溪人及第遷右庶子開元中東宮官
僚清淡令之題詩自悼曰朝日上團團照見先
生盤盤中何所有首藉長闌干飯澁匙難縮羹
稀筋易寬無以謀朝夕何由保歲寒上幸東宮
覽之索筆題其傍曰啄木口背長鳳凰羽毛短
若嫌松桂寒任逐桑榆暖令之遂謝病歸
肅宗爲太子賀知章自右庶子遷賓客授秘書監
令之以右補闕兼侍讀積歲不遷故令之棄官
徒步歸鄉里而知章自號秘書外監晚節尤誕

唐詩集卷十九
放肅宗乾元初以雅舊贈知章禮部尚書亦以
舊恩召令之而令之已卒

張諲

諲官至刑部員外郎善草隸工丹青與王維李頎
等爲詩酒丹青之友尤善畫山水王維答詩曰
屏風誤點惑孫郎團扇草書輕內史李頎詩曰
小山破體閑支策落日梨花照空壁詩堪記室
妬風流畫與將軍作勅敵

陶翰

塞下曲云將軍飛狐北窮寇勢將變落日沙塵昏
背河更一戰駿馬黃金勒瑠弓白羽箭射殺左
賢王歸奏未央殿欲言塞下事天子不召見東
出咸陽門哀哀淚如霰

燕歌行云請君留楚調聽我吟燕歌家在遼水頭
邊風意氣多出身爲漢將正值戎未和雪中凌
天山冰上渡交河大小百餘戰封侯竟蹉跎歸

來霸陵下故舊無相過雄劍委塵匣空門唯雀
羅玉簪還趙姝瑤琴付秦娥昔日不爲樂時哉
今奈何

出蕭關懷古云驅馬擊長劍行役至蕭關悠然五
原上永眺關河前北虜三十萬此中常控弦秦
城亘宇宙漢帝理旌旃刁斗鳴不歇羽書日夜
傳五軍計莫就三策議空全大漠橫萬里蕭條
絕人烟孤城當瀚海落日照祁連愴矣苦寒奏

懷哉式微篇更悲秦樓月夜夜出胡天

贈鄭員外云驄馬拂繡裳按兵遼水陽西分雁門
騎北逐樓煩王聞道五軍集相邀百戰場風沙
暗天起虜陣森已行儒服揖諸將雄謀吞大荒
金門來見謁朱紱生輝光數載侍御史稍遷尚
書郎人生志氣立所貴功業昌何必守章句終
年事蒼黃同時獻賦客尚在東陵傍

贈房侍御云

時房公
在新安

志人固不羈與道常周旋進

唐詩集卷二十一
則天下仰已之能晏然褐衣東府召執簡南臺
先雄義每特立犯顏豈圖全謫居東南遠逸氣
吟芳荃適會寥廓趣清波更負緣扁舟入五湖
發纜洞庭前浩蕩臨海曲超遙濟江壖徵奇忽
忘反遇興將彌年乃悟范生智足明漁父賢郡
臨新安渚佳賞此城偏日夕對層岫雲霞映晴
川閒居變秋色偃卧含貞堅倚伏自相代行藏
互推遷君期振羽翮歲晏欲冲天

望大華贈盧司倉云作吏至西華乃觀三峰壯削
成元氣中傑出太河上如有飛動色不知青冥
狀巨靈安在哉厥跡猶可望方此歎行旅未由
飾仙裝葱朧記星壇明滅數雲嶂良友秉真契
宿心所微尚敢投歸山吟霞徑一相訪

晚出伊闕寄河南裴中丞云退無燕息資進無當
代策冉冉時歲暮坐爲周南客前登關塞門永
眺伊城陌長川暗已空千里寒氣白家在渭水

唐詩集卷二十一
西異日同所適秉志師禽尚微言祖莊易一辭
林壑間共繫風塵役交朋忽先進天道何紛劇
豈念嘉遁時依依偶沮溺

乘潮至漁浦作云艤棹乘早潮潮來如風雨嶂高
忽已屆峰暗莫及覩崩騰心爲失浩蕩目無主
風停浪始開漾漾入漁浦雲景共澄霽江山相
含吐倬哉造化工此事已終古流沫誠足誠高
歌調易苦頗因忠信全客念猶栩栩

宿天竺寺云松栢亂崑口西山微徑通天開一峰
見宮闕生虛空正殿倚霞壁千樓標石叢夜來
猿鳥靜鐘梵寒雲中峰翠映湖月泉聲亂谿風
心超諸境外了與懸解同明發唯改視朝日長
崖東湖色濃蕩漾海光漸曠
爲仙跡尚在許
氏道猶崇獨往古來事幽懷期二公

早過臨淮云夜泊三渚風晨過臨淮島潮中海氣
白城上楚雲早鱗鱗漁浦帆漭漭蘆洲草川路

日浩蕩怒焉心如搗且言任倚伏何暇念枯槁
范子名屢移遽公志常保古人去已久此理今
難道

翰潤州人開元中為禮部員外郎以冰壺賦得名
殷璠云歷代詞人詩筆雙美者鮮矣今陶生實
為兼之既多興義復備風骨三百年以前方可
論其體裁

顏舒

鳳樓怨云佳人名莫愁珠箔上花鈎清鏡鴛鴦匣
新粧翡翠樓搗衣明月夜吹管白雲秋唯恨金

吾子年年向隴頭

顧陶取為唐類詩

王琚

琚自荆湖入朝至岳陽張說有送王十一及趙公
入朝之作云昔濫貂蟬長同承雨露霏今參魚
鱉守望美洞庭歸浦樹懸秋影江雲繞落輝離
魂似征旆常往帝鄉飛琚以詩奉別云五載朝

天子三湘逢舊寮扁舟方輟棹清論遂終朝遠
樹煙間沒長江地際遙帝城馳夢想歸旆滿風

颺 趙公冬
曦也

遊滙湖上寺詩云春山臨遠壑水木自幽清夙昔
懷微尚茲焉一放情雲間聽弄鳥煙上摘初英
地僻方無悶逾知道思生

奉答燕公云郡遠途且艱宜悲良自得胡為心獨
爾惠好在南國亦旣清顏披罔然良願克與君

蘭時會羣物如華飾煙景惜歡賞雲山起翰墨
接藝奇思微偶談玄言直永日不知倦逾旬猶
謂亟如何酌離樽移棹巴城側浦口勞長望舟
中獨太息疾風吹飛帆倏忽南與北日盡不復
見懷哉無終極唯當衡峰上遙辨湖水色

琚以預誅太平公主之功眷委特異進戶部尚書
豫大政事時號內宰相羣臣不能無望遂讒于
帝帝疏之歷九刺史故詩多感激之詞時燕公

亦以罪謫守岳陽故送琚賦詩亦有湘東股肱
守心與帝鄉期舟楫中路蹇風波復來思之語

薛惟翰

閨怨云美人怨何深含情倚金閣不笑復不語珠

淚雙雙落

春夜裁縫云珠箔因風卷飛蛾入最能不教人夜

作方便殺明燈

春女怨云白玉堂前一樹梅今朝忽見數花開兒

家門戶尋常閉春色緣何入得來

維翰登開元進士第

崔巨

春怨云夜靜夢初驚紗窗早霧明曉粧脂粉薄春

服綺羅輕妾有今朝恨君無舊日情愁來理絃

管皆是斷腸聲

巨開元二十四年登進士第

朱琳

唐詩集卷二十六
開緘怨云夫壻邊庭久幽閨恨幾重玉琴知別日
金鏡識愁容懶寄雲中服慵開海外封年年得
衣慣且試莫裁縫

王冷然

王丘傳云開元初爲吏部典選獎用孫逖張鏡微
張晉明進士王冷然皆一時茂秀

冷然上相國燕公書曰相公必欲選良宰莫若舉
前員外郎吳太玄爲洛陽令必欲舉御史中丞

莫若舉襄州刺史靳能清螯輟之路非太玄不
可生臺閣之風非靳能不可僕非吳靳親友但
以知其賢明相公有而不知知而不用亦過深
矣抑又聞之昔閔子騫爲政曰仍舊貫如之何
何必改作凡按書正字一政不得入畿杜公曾
爲此職見貞觀以來故事今吏部侍郎楊滔眼
不識字心不好賢蕪穢我清司改張我舊貫去
年冬奏請自今以後官無內外一例不得入畿

卽知正字校書不如十鄉縣尉經明進士不如
三衛出身相公復此改張甄別安在古人有坐
釣登相立籌封侯今僕無尚父之謀薛公之策
徒以仕於書苑生於學門小道奉時大言祈相
僕也幸甚幸甚去冬有詩贈公愛子協律云官
微思倚玉文淺怯投珠呂氏春秋云嘗一臠之
肉知一鼎之味請公看此十字則知僕贈吟五
言亦更有舊文願呈作者如公之用人蓋已多
矣僕之思用其來久矣拾遺補闕寧有種乎僕
雖不佞亦相公一株桃李也

吟汴堤柳云隋家天子憶揚州厭坐深宮傍海遊
穿地鑿山開御路鳴笳疊鼓泛清流流從鞏北
分河口直到淮南種官柳功成力盡人旋亡運
謝年移樹空有當時綵女侍君王帳殿旌門對
柳行青葉交垂連慢色白花飛散染衣香今日
摧殘何用道數里曾無一枝好驛騎征帆損更

多山精野魅藏應老涼風八月露爲霜日夜孤
帆入帝鄉河畔時時聞落葉客中無不淚沾裳

萬楚

五月五日觀妓云西施漫道浣春紗白玉今時鬪
麗華眉黛奪將萱草色紅裙妬殺石榴花新歌
一曲令人艷醉舞雙眸歛鬢斜誰道五絲能續
命却令今日死君家

楚登開元進士第

胡皓

和宋之問寒食題臨江驛云聞道山陰會仍爲火
忌辰途中甘棄日江上苦傷春流水翻催淚寒
灰更伴人丹心終不改白髮爲誰新

明皇錫宴樂遊園皓應制詩云五醑終宴集三錫
又歡娛仙阜嵩高異神州眺覽殊南山臨皓雪
北闕對明珠廣座鵝鴻滿昌庭駟馬趨綺羅含
草木絲竹吐郊衢銜杯不能罷歌舞樂唐虞

開元中張孝嵩出塞張九齡韓休崔沔王翰胡皓
賀知章所撰送行詩號朝英集

袁瓘

惠文太子挽詞云素仗丹旒引陰堂白日違暗燈
明象物画水溼靈衣羽化淮王去僊迎太子歸
惟餘鸞銜土朝夕向陵飛

惠文太子睿宗之子岐王範也

瓘明皇時人

柳識

許由先生潁陽祠庭獻酌文序云識壬辰歲夏四

月自洛東遊至先生遺廟而潁水古風舊山巋

然追懷古蹤慕羨至道以時酒敬酌於靈既酌

拜獻言曰天清既能久地靜不能朽先生清靜

天地全性出於胚渾入於鴻蒙雲遊鳥還翦鬱

和風當時帝道已半滋章欲深大樸散於人未

散於山林乃有巢父杳冥同心堯齋公器退然

見推遇聖相感不得不知耳雖濯於清流道終

播於無爲所謂春膏時蒸朽葉自滋先生含德
唐堯發之潁陽之仁德日大天下之祿利日卑
且聖王所重者名器至人所重者感通推以大
名義同讓終廉能感俗道自爲功任應會之偶
然生垂後之清風人登雲嶺多憶箕潁猗歟先
生山水齊名茲焉遺廟萬古芬馨

識弔夷齊文曰洪河之東兮首陽穹崇側聞孤竹
二子昔也餒在其中偕隱胡爲得仁而死青苔

古木蒼雲秋水魂兮來何依兮去何止掇澗礫
之毛薦精誠而已初先生鴻逸中州鸞伏西山

顧薇蕨之離離歌唐虞之不還謂易暴兮又武
謂墨纒兮胡顏一吒兮忘饑若有誚兮于崑之
關豈不以冠弊在於上履新處於下且曰一人
之正位孰知三聖之純嘏讓周之意不其然乎
是以知先生所恤者偏矣當昔夷羊在牧殷網
解結乾道息坤維絕鯨吞噬兮鬼孽王奮厥武

天意若曰覆昏暴資濬哲於是二老歸而八百
會一戎衣而九有截況乎旗錫黃鳥珪命赤鳥
俾荷鉅橋之施俾伸羸里之辜故能山立雨集
電掃風驅及下車也五刃不礪於武庫九駿伏
轅於文途雖二士不食而兆人其蘇旣而溥天
周土率土周人吁嗟先生逃將奚臻萬姓歸飾
兮獨鬱乎方寸六合莽蕩兮終跼乎一身雖忤
時而過周終臣心而惻隱所以不食其食求仁

得仁然非一端事各其志若旁通以阜厥躬應
物以濟其利則焉有貞節之規君親之事靈乎
靈乎雖非與道而保生乃勗爲臣之不二

識字方明工文章最爲李華所知其文與蕭頴士
元德秀劉迅相上下而識練理創端往往詣極
雖趣尚非博然當時作者服其簡拔

高力士

力士謫巫州山多薺不食因感之作詩寄意曰兩

京作斤賣五溪無人採夷夏雖有殊氣味都不
改其後會赦因至武陵遇開元中羽林軍士坐
事謫嶺南停車話舊方知明皇厭世北望號慟
嘔血而卒

段柯古叙力士事證云呼二兄

柯古呼阿翁

張善繼

呼將軍

鄭夢復

呼火老

柯

五輪磴

繼

初施檠戟

夢

常臥麓牀

柯

長六尺五寸

繼

陪葬秦陵

夢

詠薺

齒成印

繼

上國下國夢夢鞭

柯

呂氏生髭

繼

高霽

韋瓘與

池陽九子山太白易以九華之目因與二三子聯

句傳之將來妙有分二氣靈山開九華

太白層標

遇遲日半壁明朝霞

高霽

積雪曜陰壑飛流歎陽

涯

韋瓘與

青熒玉樹色縹緲羽人家

太白

息夫牧

冬夜宴蕭十丈因餞殷郭二子西上詩序云冬十

有二月家君宰邑許下夫子問津頰上二賢將

馳會府皆適茲土夜處狹室列座有位尊卑儼
如或捧觴上壽或摠衣請益始崇詩以閱禮終
講信而修睦然後文飽於德義潤其身頃夫子
升堂之後若盧賈劉尹之徒半登紀問接武鳴
躍實夫子訓之導之斯至也今殷郭二子天資
才幹而加之鏃羽觀光王庭俯拾地芥其誰曰
不然飛霜靄林寒氣總至月落匝戶夜將向晨
座隅謙謙畢醉溫克則知孔門宴餞異於他日

二三子終身識之夫子以家居政而百里無事
命門弟子賦詩鳴琴亦以釋化離之怨焉小子
不敏忝居門人之末敢不敬書其事詩曰有琴
斯鳴于宰之庭君子莅止其心孔平政旣告成
德以永聲鳴琴有衍于頽之畔彼之才髦其年
未冠聞詩聞禮斐兮璨璨鳴琴其怡于頽之湄
二子翰飛言戾京師有鬱者桂爰攀其枝琴旣
鳴矣宵旣清矣烘熨有煒酒醴惟旨喟我寤歎

吁其別矣

崔曙

頃陽東溪懷古云靈谿氛霧歇皎鏡清心顏空色
不映水秋聲多在山世人久疎曠萬物皆自閑
白鷺寒更浴孤雲晴未還昔時讓王者此地閉
玄關無以躡高步淒涼林壑間

試明堂火珠詩云正位開重屋中天出火珠夜來
雙月合曙後一星孤天淨光難滅雲生望欲無

還將聖明代寶國在京都曙以是詩得名明年
卒惟一女名星星始悟其讖也

途中晚發云晚霽長風裏勞歌赴遠期雲輕歸海
疾月滿下山遲旅望因高盡鄉心遇物悲故林
遙不見況在落花時

送薛據之宋州云無媒嗟失路有道亦乘流客處
不堪別異鄉應共愁我生早孤賤淪落居此州
風土至今憶山河皆共遊一從文章事兩京春

復秋君去問相識幾人成白頭

早發交崖山還太室云東林氣微白寒鳥忽高翔
吾亦自茲去北山歸草堂仲冬正三五日月遙
相望蕭蕭過潁上隴隴辨少陽川水生積雪野
火出枯桑獨往路難盡窮陰人易傷傷此無衣
客如何蒙雪霜

商璠云曙詩言辭欵要情興悲涼送別登樓俱堪
下淚

開元二十六年登進士第

唐詩紀事卷第二十 終

唐詩紀卷第二十一

蕭穎士

穎士重陽陪元魯山登北城贈別元有掛冠之意
 詩云山縣遶古堞悠悠快登望雨餘秋天高目
 盡無隱狀綿連滄川迥杳渺鴉路深彭澤興不
 淺臨風動歸心賴茲琴堂暇傲睨傾菊酒人和
 歲已登從政茲何有遠山十里碧一道街長雲
 青霞半落日混合疑晴曛漸聞栖林羽坐歎清

夜月中歡愴有違行子念明發僅能泯寵辱未
免傷別離江湖不可忘風雨勞相思明時當盛
才短伎安所設何日謝百里從君漢之滢
答韋司業垂訪云啣啣食苹鹿常飲清泠川但悅
豐草美寧知牢饌鮮主人有幽意將以充林泉
羅網幸免傷蒙君復羈牽高堂列衆賓廣坐鳴
清絃俯仰轉驚惕徘徊獨憂煎緬懷雲巖路欲
往無由緣物各有所好違之傷自然一神龜在

南國緬邈湘川陰遊止蓮葉上歲時嘉樹林毒
蟲且不近斤斧何由尋錯落負奇文熒煌耀丹
金江山萬里餘淮海阻且深獨保貞素質不爲
寒暑侵一逢盛明代應見通靈心二晉代有儒
臣當年富辭藻立言寄青史將以贊王道遼落
緬歲時辛勤歷江島且言風波倦探涉豈爲寶
不遇庾征西云誰展懷抱士貧乏知己安得成
所好三彭陽昔游說願謁南郢都王果尚未達

况從夷節謨豈知晉叔向無罪嬰囚拘臨難俟
解紛獨知郟大夫舉讐且不棄何必論親疎夫
子覺者也其能遺我乎四關西一公子年貌獨
青春披褐來上京翳然聲未振中郎何爲者倒
屣驚座賓詞賦豈不佳盛名亦相因爲君奏此
曲此曲多苦辛千載不可誣孰言今無人五

李華序其文曰開元天寶間以文學著於時者曰
蘭陵蕭穎士字茂挺年十九進士擢第淮南連

帥表君爲揚州功曹沒於汝南旅次君謂六經
之後有屈原宋玉文甚雄壯而不能經厥後有
賈誼文詞詳正近於理體枚乘司馬相如亦瓌
麗才士然而不近風雅楊雄用意頗深班彪識
理張衡宏曠曹植豐贍王粲超逸嵇康標舉此
外皆金相玉質所尚或殊不能備舉左思詩賦
有雅頌遺風干寶著論近乎王化根源此外皆
復絕無聞近日陳拾遺文體最正以此而言見

君述作君以文章制度爲已任時人咸以此許
之穎士卒門人贈文元先生惟一子存字伯誠
爲金部外郎有功曹之風惡裴延齡棄官歸廬
山存子東從事邕南以女妻柳淡字中庸文公
韓愈少時受存之知自袁州入爲祭酒經廬山
過其山居知諸子凋謝唯二女在乃爲詩曰中
郎有女能傳業伯道無兒可保家今日匡山過
舊隱空將衰淚對煙霞穎士以推獎後進爲任

如李陽李幼皇甫冉陸渭等數十人由獎目皆
爲名士天下推知人稱蕭功曹嘗兄事元德秀
而友殷寅顏真卿柳芳陸據李華邵軫趙驊時
人語曰殷顏柳陸李蕭邵趙以能全其交也李
華與齊名世號蕭李

李華

華字遐叔舉開元二十三年進士天寶二年博學
宏詞皆爲科首天寶十一年拜監察御史除右

補闕祿山亂輦母而逃爲盜所得二京復坐謫
杭州司功參軍召加司封外郎將以司言處之
華曰焉有隳節辱志者可以荷君之寵乎移病
請告李峴領選江南表爲從事以風痺廢居楚
詠史詩云日照崑崙山羽人披羽衣乘龍駕雲霧
欲往心無違此山在西北乃是神仙國靈氣皆
自然求之不可得何爲漢武帝精意徧群山糜
費巨萬計宮車終不還蒼蒼茂陵樹足以戒人

間一天生忠與義本以佐雍熙何意李司隸而

當昏亂時古墳襄城野斜徑橫秋陂況不禁樵
採茅莎無孑遺高標尙可仰精爽今何之一忤
中常侍啣冤誰見知嘗觀黨錮傳撫卷不勝悲

二文侯耽鄭衛一聽一忘殮白雪燕姬舞朱絃

趙女彈淫聲流不返悒蕩日無端獻歲受朝時
鳴鐘醮百官兩牀陳管磬九奏殊未闌對此唯
恐臥更能整衣冠三漢皇修雅樂乘輿臨大學

三老與五更天王親割牲一人調風俗萬國和
且平單于驟欵塞武庫欲銷兵文物此朝盛君
臣何穆清至今壘壇下如有簫韶聲四蜀主相
諸葛功高名亦尊驅馳十萬衆怒目瞰中原曹
伯任公孫國亡身不存社宮久蕪沒白鴈猶飛
翻勿言君臣合可以濟黎元爲蜀諒不易如曹
難復論五秦滅漢帝興南山有遺老危冠揖萬
乘幸得馱征討當君逐鹿時臣等已枯槁寧知

市朝變但覺泉石好高臥三十年相看成四皓
帝言翁甚善見顧何不早咸稱太子仁重義亦
尊道側聞驪姬事申生不自保暫出商山雲謁
來趨洒掃東宮成羽翼楚舞傷懷抱後代無其
人戾園滿秋草六六國韓最弱末年尤畏秦鄭
生爲韓計且欲疲秦人利物可分社原情堪滅
身咸陽古城下萬頃稻苗新七昂藏獬豸獸出
自太平年亂代乃潛伏縱人爲禍愆常聞斷馬

劔每壯朱雲賢身死名不滅寒風吹墓田精靈
如有在幽憤滿松煙八沂水春可涉泮宮映楊
葉麗色異人間珊珊搖珮環展禽常獨處深巷
生禾黍城上飛海雲城中暗春雨適來鳴珮者
復是誰家女泥沾珠綴履雨濕翠毛簪電影閉
蓮臉雷聲飛蕙心自言沂水曲采蘋兼采菜歸
逕雖可尋天陰光景促憐君貞且獨願許君家
宿徒勞惜衾枕子不顧雙蛾艷質誠可重淫風

如禮何周王惑褒姒城闕成陂陁

九

巢許在嵩

穎陶唐不得臣九州尚洗耳一命安能親綿邈

數千祀丘中誰隱淪朝遊公卿府夕是山林人

蒲帛揚側陋薜蘿爲搢紳九重念入夢三事思

降神且設庭中燎寧窺泉下鱗十漢時征百越

楊僕將樓船幕府功未立江湖已騷然島夷非

敢亂政暴地仍偏得罪因懷壁防身輒控弦三

軍求裂土萬里詎聞天魏闕心猶在旗門首已

懸如何得良吏一為制方圓

十一

寄趙七侍御自餘干谿行經弋陽至上饒山川幽

麗思與雲卿同遊邈不可得因敘疇年之素寄

懷於篇云搖槳曙江流江清山復重心愜賞未

足川迴失前峯凌灘出極浦曠若天池通君陽

青嵯峨開拆混元中九潭魚龍窟仙成羽人宮

陰奧潛鬼物精光動煙空玄猿啼深龍

楚越謂竹樹深

者為龍白鳥戲葱蒙飛湍鳴金石激溜鼓雷風雨

濯萬木鮮霞照千山濃草閑長餘綠花淨落幽

紅渚煙見晨釣山月聞夜春覆谿窈窕波涵石

洶溶溶丹丘忽聚散素壁相奔衝白日破昏靄

靈山出其東勢排昊蒼上氣壓吳越雄迴頸望

雲卿此恨發吾衷昔日蕭邵遊四人纔成童

華與

趙七侍御驂故蕭十功曹穎士故邵十六軫未冠游太學皆苦貧共弊同年三人登科相次典

校邵後三人及第也屬詞慕孔門入仕希上公緯卿陷非

罪折我昆吾鋒

邵字緯卿以冤橫貶卒南中

茂挺獨先覺拔

身渡京虹斯人謝明代百代墜鷓鴣

蕭天寶末知亂棄官

往江東殯葬先人逃于江南

世故墜橫流與君哀路窮

逆胡陷兩

京華與趙受辱賊中

相顧無死節蒙恩逐殊封

華貶杭州司功趙貶

泉州晉江尉

天波洗其瑕朱衣備朝容

華承恩累遷尚書郎趙拜

補闕御史

一別凡十年豈期復相從餘生得攜手遺

此兩孱翁群遷失鶯羽後凋惜長松哀旅難重

別悽悽滿心胸遇勝悲獨遊貪奇悵孤逢禽尚

彼何人胡為束樊籠吾師度門教投弁躡遐蹤

崔顥

擢進士第有文無行終司勳員外郎初李邕聞其

名虛舍待之顥至獻詩首章云十五嫁王昌邕

叱曰小兒無禮不與接而去

孟門行云黃雀銜黃花翩翩傍簷隙本擬報君恩

如何反彈射金罍美酒滿座春平原愛才多衆

賓滿堂盡是忠義士何意得有讒諛人諛言翻

覆那可道能令君心不自保北園新栽桃李枝

根株未固何轉移成陰結子君自取若問傍人
那得知

霍將軍云長安甲第高入雲誰家居住霍將軍日
晚朝迴擁賓從路旁揖拜何紛紛莫言炙手手
可熱須臾火盡灰亦滅莫言貧賤即可欺人生
富貴自有時一朝天子賜顏色世上悠悠應始
知

集作長
安道

黃鶴樓詩昔人已乘白雲去此地空餘黃鶴樓黃

鶴一去不復返白雲千載空悠悠晴川歷歷漢
陽樹芳草萋萋鸚鵡洲日暮鄉關何處是煙波

江上使人愁

世傳太白云眼前有景道不得崔
顥題詩在上頭遂作鳳凰臺詩以

較勝負
恐不然

王家少婦詩云十五嫁王昌盈盈入畫堂自矜年

最少復倚壻為郎舞愛前溪綠歌憐子夜長閑

來鬪百草度日不成粧

搜玉集
作古意

商璠云顥少年為詩屬意浮艷多陷輕薄晚歲忽

變常體風骨凜然如殺人遼水上走馬漁陽歸
錯落金鎖甲蒙茸貂鼠衣又秋風吹淺草獵騎
何翩翩插羽兩相顧鳴弓新上弦鮑照江淹須
有慙色

古游俠呈軍中諸將云少年負膽氣好勇復知機
仗劔出門去孤城逢合圍殺人遼水上走馬漁
陽歸錯落金鎖甲蒙茸貂鼠衣還家行且獵弓
矢速如飛地迥鷹狗疾草深狐兔肥腰間帶兩

綬轉盼生光輝顧謂今日戰何如隨建威

贈王威古云三十羽林將出身常事邊秋風吹淺
草獵騎何翩翩插羽兩相顧鳴弓新上弦射麋
入深谷飲馬向寒泉馬上共傾酒野中聊割鮮
相看未及醉雜虜寇幽燕烽火去不息胡塵高
際天長驅救東北戰解城亦全報國行赴難古
來皆共然

送單于裴都護云征馬去翩翩秋城月正圓單于

莫近塞都護欲臨邊漢驛通煙火胡沙乏井泉
功成須獻捷未必去經年

題隱侯八詠樓云梁日東陽守爲樓望越中綠窓
明月在青史古人空江靜聞山狔川長數塞鴻
登臨白雲晚流恨此遺風

遼西云燕郊方歲晚殘雪凍邊城四月青草合遼
陽春水生胡人正牧馬漢將日徵兵露重寶刀
濕沙虛金鼓鳴寒衣著已盡春服爲誰成寄語

洛陽使爲傳邊戍情

渭城少年行云洛陽三月梨花飛秦地行人春憶
歸揚鞭走馬城南陌朝逢驛使秦川客驛使前
日發章臺傳道長安春早來棠梨宮中燕初至
蒲萄館裏花正開念此使人歸更早三月便達
長安道長安道上春可憐搖風蕩日曲江邊萬
戶樓臺臨渭水五陵花柳滿秦川

李嘉祐

字從一上元中嘗爲台州刺史大曆間刺袁州李肇記漠漠水田飛白鷺陰陰夏木嘒黃鸝之句本嘉祐詩而集中不見與嚴維劉長卿冷朝陽友善嘗有詩四年謫宦滯江城未厭門前鄙水清誰言宰邑化黎庶欲別雲山如弟兄雙鷗爲底無心狎白髮從他遶鬢生惆悵閑眠臨極浦夕陽秋草不勝情嘉祐蓋嘗謫宦但不知其故然有元日無衣冠入朝云白髭空換歲丹陛不

朝天其坎坷之狀可少見矣嘉祐有送從叔陽冰寄從弟紆及姪端詩蓋三子之族也

遊鶴林寺云野寺江城近雙旌五馬過禪心超忍辱梵語問多羅松竹閑僧老雲烟晚日和寒塘歸路轉清磬隔微波

送王牧往吉州謁王使君叔云細草綠汀洲王孫耐薄遊年華初冠帶文體舊弓裘野渡花爭發春塘水亂流使君矜小阮應念倚門愁

仲夏江陰官舍寄裴明府云萬室邊江次孤城對
海安朝霞晴作雨濕氣晚生寒苔色侵衣桁潮
痕上井欄題書招茂宰思爾欲辭官

潤州送蔣侍御收兵歸揚云沴氣清金虎兵威壯
鐵冠揚旌川色暝吹角水風寒人對輜輶醉花
看睥睨殘美歸丞相府空望舊門欄

高仲武云嘉祐袁州人振藻天朝大收芳譽中興
高流與錢郎別爲一體往往涉於齊梁綺美婉

麗蓋吳均何遜之敵也至於野渡花爭發春塘
水亂流又朝霞晴作雨濕氣晚生寒文華之冠
冕也又禪心超忍辱梵語問多羅設使許詢更
生孫綽復在窟思極筆未到此境

和苗員外發秋夜宿直云久雨南宮夜仙郎寓直
時漏長丹鳳闕秋冷白雲司螢影侵堦亂鴻聲
出苑遲蕭條人吏散小謝有新詩

姚合取爲
極玄集

戴叔倫夜發袁州寄李潁川詩卽嘉祐也詩云半

夜迴舟入楚鄉月明山水共蒼蒼孤猿更發秋
風裏不是愁人亦斷腸

時李貶於此

王翰

古長城吟云長安少年無遠圖一生唯羨執金吾
麒麟前殿拜天子走馬西擊長城胡胡沙獵獵
吹人面漢虜相逢不相見遙聞鞞鼓動地來傳
道單于夜猶戰此時顧恩寧顧身爲君一行摧
萬人壯士揮戈迴白日單于濺血染朱輪迴來

飲馬長城窟長城道傍多白骨問之耆老何代
人云是秦王築城卒黃昏塞北無人煙鬼哭啾
啾聲沸天無罪見誅功不賞孤魂流落此城邊
當昔秦王按劍起諸侯膝行不敢視富國強兵
三十年築怨興徭九千里秦王築城何太愚天
實亡秦非北胡一朝禍起蕭牆內渭水咸陽不

復都

或作飲馬
長城窟行

翰字子羽晉陽人少豪健恃才張嘉貞張說爲并

州長史厚禮之爲駕部外郎坐事貶道州司馬
卒

明皇送張說巡邊應制云紫蓋尚書印朱駟丞相
車登朝身許國出閩將辭家不憚炎蒸苦親嘗
走集賒選徒軍有令誓卒爾無譁帝樂風初起
王城日半斜寵行流聖作寅餞照台華騎歷河
南樹旌搖天北沙榮懷應盡服嚴殺已先加業
峻靈祇保功成道路嗟寧知鑿空使遠致石榴

花

送張說赴集賢院上賜燕賦得筵字云東堂起集
賢貴德後神仙首命台階老將崇御府貞送人
鏘玉珮中使拂瓊筵和樂薰風解湛恩時雨連
長材誠磊落短翮強翩颺徒仰蓬萊峻何階不
讓緣

恩賜樂遊園宴應制云未及人心暢何如帝道明
仍嫌醜宴促復寵樂遊行陸海披珍藏天河直

斗城四關青靄合數處白雲生
飪餼調元氣歌
鍾溢雅聲空慙堯舜力至德睿難名

唐詩紀事卷第二十一





